



Agricultor contento cu poco awa ta yobe



ORANJESTAD (AAN): Mientras cu awa ta yobe mayoria di nos agrcultor-nan ta probecha di e poco awa cu ta cai. "Unda tin awa tin bida", manera e dicho ta bisa. Cunuco bunita planta ta sigur lo bo mira

den e temporada aki. Esaki ta e caso cu nos a mira na e bishita aki.

Riba un bishita cu Departamento di Agricultura, Cria y Pesca a haci den e barrio di Sta. Cruz pa ta exacto na Paplion. Aki nos



a bishita un bon amigo di Santa Rosa. Nos ta papian-do aki di sr. Edwin Croeze kende ta un persona cu tin un aplo experiencia cu plantamento aki na Aruba. Manera e mes a conta nos cu semper su kerido tata (dfm) tabata planta e cunuco grandi cu nan tin. Semper nan a keda cu e amor pa agricultura for di edad hoben. Edwin semper a keda cu e gana y amor pa



sigui cu plantacion. Trabao duro di cunuco nunca el a core pe. Semper percursa pa mantene su cunuco bunita. Durante di nos bishita Edwin mes a cana cu nos un muestra tur kico el a planta e biaha aki. Un seccion di pinda basta grandi cu ya caba ta creciendo hopi bunita y ta bayendo hopi bon. Nos a sigui cana bay na un otro parti caminda el a planta un otro seccion di Patia. Un poco mas bandi di e patianan el a planta Melon. E Boonchi Cunuco no por falta. Den e untro seccion e tin Comcomber Chikito. Un variacion di plantacion cu Edwin a haci cu sigur tur ta canado den bon direccion. Si awasero sigui copera di e manera

cu eta bayendo yobiendo un poco tur dia lo por tin un cosecha hopi favorable pa sr Edwin Croeze.

Di nos parti nos ta felicita sr. Edwin Croeze cu un bunita cunuco planta cu diferente fruta y berdura. Awendia no tin mucho cunuco mas planta cu nos por mira pero sigur hopi contento di por mira tipo di cunuconan asina.

Nos ta sigui concientisa pa kisa no pensa riba cunuconan grandi pa planta pero si hacie den escalanan mas chikito. Pensa riba locual bo ta uza diariamente den cushina y purba planta esakinan. Sigur e lo yudabo baha gasto di supermarket y bo ta come mas saludabel.